



DEMOKRATSKA FRONTA BOSNE I HERCEGOVINE

Adresa: Radićeva 8

Tel: 033 710 400

Web: [www.dfsarajevo.ba](http://www.dfsarajevo.ba)

E-mail: [sekretarijat@fronta.ba](mailto:sekretarijat@fronta.ba)

Na osnovu člana 121. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst, broj 41/12, 15/13, 47/13, 47/15, 48/16, 9/20 i 14/20), predlažem da Skupština Kantona Sarajevo donese sljedeću:

### DEKLARACIJU ZA OČUVANJE ZONA SANITARNE ZAŠTITE I KVALITETA VODE ZA PIĆE IZVORIŠTA "SARAJEVSKO POLJE"

Polazeći od značaja očuvanja vode za piće i zona sanitarne zaštite izvorišta "Sarajevsko polje" koje imaju za cjelokupni Kanton Sarajevo, zbog izrazite zabrinutosti javnosti za očuvanjem kvaliteta zaštite izvorišta, a samim time i budućnosti vodosnabdijevanja Kantona Sarajevo, Skupština Kantona Sarajevo izražava svoj stav o nužnosti očuvanja granica zona sanitarne zaštite izvorišta vode za piće u Sarajevskom polju mjerama koje su određene Odlukom o zaštiti izvorišta "Sarajevsko polje" po njenom stupanju na snagu 1987. godine, te u svojim budućim djelovanjima obavezuje se na očuvanje postojećih mjera zaštite u istom prostornom obuhvatu bez ublažavanja stepena zaštite nad postojećim zonama sanitarne zaštite izvorišta vode za piće u bilo kojem njihovom dijelu.

Takođe, Skupština Kantona Sarajevo izražava svoj stav i da se u najskorijem vremenskom roku obuhvat strožije zaštite proširi i na dodatna područja koja trenutno ili potencijalno ugrožavaju izvorišta vode za piće u Sarajevskom polju masovnom komercijalnom gradnjom, konkretno na prostorima planina Igman i Bjelašnica.

Pri zaštiti vodozaštitne zone "Sarajevsko polje" treba se rukovoditi najboljim praksama vodozaštite zemalja iz našeg okruženja i Evropske unije.

Poduzeti koraci trebaju u svakom svom segmentu i cjelini odražavati duh vremena u smislu najnovijih naučnih saznanja o štetnosti pojedinih ljudskih aktivnosti po kvalitet i kvantitet vode u izvorištima, te u pogledu urgentnosti i ozbiljnosti nadolazeće klimatske krize koja izaziva sve učestalije suše na našim prostorima.

#### **Obrazloženje:**

U doba planetarne okolišne krize kad se zemlje širom svijeta bore da očuvaju svoju vodu, a one moćnije je nastoje i oteti siromašnima, apsolutni prioritet je da Sarajevo očuva svoju vodu.

Degradacija vodozaštitne zone bi Sarajlije osudila na vodu u plastičnim bocama – skupu, sumnjivog kvaliteta i po najnovijim naučnim saznanjima – bogatu toksičnim mikročesticama plastike.

Stoga apsolutni prioritet, iznad svih stranačkih interesa i ciljeva, mora biti očuvanje naše čiste vode.

U Sarajevu  
19.04.2023 godine

Marijela Hašim  
zastupnica